

庶物類纂

草屬
自九十八至百

容

太政官文庫			
和書門類	特別	一二三六二號	架函
	茅	五	四
	番	四	番
		册	四
		五	册

內閣文庫	
番號	和 32362
冊數	465(32)
函號	特 54-1

五十七内

共卅




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007. TM: Kodak







庶物類纂草屬卷之九十八目次

常春藤

石血

蝶躑草

地錦

庶物類纂

卷之九十八

草屬目次

常春藤

一名土鼓藤嘉祐補註本草一名龍鱗薜荔同上一名

鬼腰帶外科精要一名長春藤楊升菴文集

俗名己紫他山城州




常春藤

陳藏器云土鼓藤味苦子味甘溫無毒主風血羸老
 腹內諸冷血閉彊腰脚變白煮服浸酒服生林薄間
 作蔓繞草木葉頭尖子熟如珠碧色正圓小兒取藤
 於地打作鼓聲李邕名爲常春藤嘉祐補註本草
 日華子云常春藤一名龍鱗薜荔同上
 姜撫宋州人自言通仙人不死術隱居不出開元末
 太常卿韋紹祭名山因訪隱民還白撫已數百歲召
 至東都舍集賢院因言服常春藤使白髮還鬢則長

生可致藤生太湖最良終南往往有之不及也帝遣使者至太湖多取以賜中朝老臣因詔天下使自求之宰相裴耀卿奉觴上千萬歲帝悅御花萼樓宴羣臣出藤百匳徧賜之擢撫銀青光祿大夫號沖和先生撫又言終南山有早藕餌之延年狀類葛粉帝作湯餅賜大臣右驍騎將軍甘守誠能詔藥石曰常春者千歲萬也早藕牡蒙也方家久不用撫易名以神之民間以酒漬藤飲者多暴死乃止撫內慙悻請求藥牢山遂逃去唐書

鬼繫腰生竹籬陰溼石所絡石而生者好絡木者無用其藤柔細兩葉相對形生三角宋陳自明外科精要楚辭被薜荔兮帶女蘿注薜荔無根緣物而生不明言為何物也據本草絡石也在石曰石鱗在地曰地錦繞叢木曰長春藤又曰龍鱗薜荔又曰扶芳藤今京師人家假山上種巴山虎是也又曰凡木蔓皆曰薜荔○明楊升菴絡石即石鱗又名龍鱗薜荔青囊藥性賦






石血

一名雲丹
本草綱目

俗名石己打革紫賴
山城州



石血

絡石唐本注云山南人謂之石血療產後血結大良
嘉祐補註本草

今按陳藏器本草云絡石煮汁服之主一切風變白
宜老在石者良在木者隨木有功生山之陰與薜荔
相似更有木蓮石血地錦等十餘種藤莖是其類大
略皆主風血暖腰脚變白不衰若呼石血為絡石殊
誤爾石血葉尖一頭赤絡石葉圓正青
石血極與絡石相類但葉頭尖而赤耳
本草圖經

石血亦以血攻狀與絡石相同但葉尖而半赤石崖
多產收取無時煎酒建功墮胎亦速
石血亦以血攻煎酒建功墮胎亦速


明陳嘉謨
本草蒙筌
清馮兆張
錦囊秘錄

十

螺髻草

一名鏡面草

婦人良方



螺傘草

螺傘草鏡面草皆象形也 明李東璧本草綱目

案陳日華經驗方云年二十六忽病小便后出鮮血不疼如是月飲酒則甚市醫張康以草藥汁一器入少蜜水進兩服而愈求其方乃鏡面草也 同上

治婦人卒傷於熱尿血陳總領云余頃在章貢時年二十六忽小便後出鮮血數點不勝驚駭全卻不疼如是月若不飲酒則血少駭不能止偶有鄉兵告以市醫張康者常療此疾遂呼之來供一器清汁云


是草藥漆少蜜解以水兩服而愈既厚酌之遂詢其藥名乃鏡面草一名螺鬘草其色青翠所在石階縫中有之矣
宋陳自明婦人良方

十

地錦

一名地禁嘉祐補註本草 一名地朕同上 一名承夜同上
一名夜光同上

俗名紫他



地錦

陳藏器云地錦味甘溫無毒主破老血產後血結婦人瘦損不能飲食腹中有塊淋瀝不盡赤白帶下天行心悶竝煎服之亦浸酒生淮南林下葉如鴨掌藤蔓著地節處有根亦緣樹石冬月不死山人產後用之一名地噤蘇恭注曰絡石石血亦此類也嘉祐補註本草地朕味苦平無毒主心氣女子陰疝血結一名承夜一名夜光三月採臣禹錫等謹按陳藏器云地朕一名地錦一名地噤葉光淨露下有光蔓生節節著地

有名未用
○同上

地錦葉如鴨掌蔓著地上隨節有根亦緣木石上本草

地錦味甘葉如鴨掌藤蔓著地隨節有根亦緣木石

沿長每耐寒凍不瘁煎湯浸酒破血止疼祛產後血

凝逐腹中血痕明陳嘉謨
本草蒙筌

地錦別有地錦草與此不同見石草之九明李東璧
本草綱目

庶物類纂草屬卷之九十九目次


南藤

藤天蓼

榼藤

相思藤

本草綱目卷之九十九



南藤

一名丁公藤嘉祐補
註本草 一名丁公寄同上 一名丁
父同上 一名風藤本草
綱目


本草綱目

卷之九十九

草屬

南藤

一



南藤

南史解叔謙鴈門人母有疾夜於庭中稽顙祈告聞空中云得丁公藤治即差訪醫及本草皆無至宜都山中見一翁伐木云是丁公藤療風乃拜泣求得之及漬酒法受畢失翁所在母疾遂愈今附○嘉祐補註本草

丁公寄味甘主金瘡痛延年一名丁父生石間蔓延木上葉細大枝赤莖如磧黃有汁七月七日採臣禹錫等謹按陳藏器云丁公寄即丁公藤也南藤即丁公藤也生南山山谷今出泉州榮州生依

南木故名南藤苗如馬鞭有節紫褐色葉如杏葉而尖採無時本草圖經

南藤即丁公藤也生南山山谷今出泉州榮州生依

南木故名南藤苗如馬鞭有節紫褐色葉如杏葉而

尖採無時明李東壁本草綱目

南藤今江南湖南諸大山有之細藤圓膩紫綠色一


節一葉葉淡綠色似杏葉而微短厚其莖貼樹處有

小紫瘤疣中有小孔四時不凋莖葉皆臭而極辣白

花蛇食其葉同上

鴈門解仲恭亦僑居南郡家行敦睦得纖毫財利輒與兄弟平分母病經時不差入山採藥遇一老父語之曰得丁公藤病立愈此藤近在前山際高樹垂下便是也忽然不見仲恭如其言得之治病母即差至今江陵人猶有識此藤者齊書

解叔謙字楚梁鴈門人也母有疾叔謙夜於庭中稽顙祈福聞空中語云此病得丁公藤為酒便差即訪醫及本草注皆無識者乃求訪至宜都郡遙見山中一老公伐木問其所用答曰此丁公藤療風尤驗叔



謙便拜伏流涕具言來意此公愴然以四段與之并示以漬酒法叔謙受之顧視此人不復知處依法為酒母病即差南史

丁公藤生依南木故號南藤莖如馬鞭有節紫褐色南史解叔謙母有疾夜禱庭中聞空中云得了公藤治之可差即此是也八閩通志

南藤生依南樹故號南藤莖如馬鞭有節紫褐色一名丁公藤汀州府志

丁公藤出陽江多生龍濤道芴蔓著地高尺許葉長

二寸面綠背白大如一指相傳解叔謙母疾夜禱聞空中云以丁公藤浸酒服之瘥遍訪至宜都山中一叟伐藤問其狀曰丁公藤也因與四段叟忽不見母病遂愈肇慶府志

南藤即丁公藤生依楠樹故名九江府志

南藤生依南樹故號南藤莖如馬鞭有節紫褐色一名丁公藤生南山山谷南史解叔謙鴈門人母有疾夜稽顙祈告庭中聞空中云好取了公藤訪醫及本草皆無有至宜都山中見一翁伐木云是此藤拜泣

求之并得漬酒法受畢失翁所在母疾遂愈圖經曰南藤即丁公藤也生南山山谷今出泉州武榮州

閩書

藤天蓼

一名木蓼

嘉祐補註本草

一名天蓼同上

俗名埋他他比

本草綱目卷之九十九

藤天蓼

木天蓼唐本注云作藤蔓葉似柘花白子如棗許無定形中瓢似茄子味辛噉之以當薑蓼其苗藤切以酒浸服或以釀酒去風冷癥癖大効所在皆有今出安州申州今按陳藏器本草云木天蓼今時所用出鳳州樹高如冬青不凋出深山人云多服損壽以其逐風損氣故也不當以藤天蓼為注既云木蓼豈更藤生自有藤蓼爾唐本先附○嘉祐補註本草謹按陳藏器所云木天蓼乃小天蓼也藤天蓼小

天蓼 竝名木天蓼

小天蓼味甘温無毒主一切風虛羸冷手足疼痺無
論老幼輕重浸酒及煮汁服之十許日覺皮膚間風
出如蟲行生天目山四明山樹如梔子冬不凋野獸
食之更有木天蓼出山南大樹今市人貨之云久服
促壽當是其逐風損氣故也本經有木天蓼卽是此
也蘇注云藤生子辛與木又異應是復有藤天蓼江
淮南山間有木天蓼作藤蒼樹葉如梨光而薄子如
棗辛甘大主風血羸痺腰脚疼冷取皮釀酒卽是蘇


引爲天蓼注者夫如是則有三天蓼俱能逐風其中

優劣小者最爲勝今附○嘉祐補註
本草小天蓼條

臣禹錫等謹按蜀本圖經云木蓼一名天蓼蔓生葉
似柘葉諸蓼花皆紅白子皆赤黑木蓼花黃白子皮

青滑嘉祐補註
本草蓼條

木天蓼味辛温有小毒主癥結積聚風勞虛冷生山
谷中木高二三丈三月四月開花似柘花五月採子
子作毬形似糝其毬子可藏作果噉之亦治諸冷氣
蘇恭云作藤蔓生者自是藤天蓼也又有一種小天



蓼生天目山四明山木如梔子冬不凋然則天蓼有
三種雖其狀不同而體療甚相似也本草
圖經

木蓼一名天蓼亦有大小二種蔓生葉似柘葉花黃

白子皮青滑本草圖
經蓼條

木天蓼其樹高而味辛如蓼故名又馬蓼亦名天蓼

而物異明李東璧
本草綱目


天蓼雖有三種而功用彷彿蓋一類也其子可為燭

其芽可食故陸璣云木蓼為燭明如胡麻薛田詠蜀

詩有地丁葉嫩和嵐采天蓼芽新入粉煎之句同上

木蓼一名天蓼蔓生葉如柘花黃白子皮青滑宋羅
願爾

雅翼



榼藤

一名象豆南方草 一名榼子本草拾遺 一名合子

上同

俗名磨打埋薩摩州

本草綱目卷之九十七

榼藤

象豆味甘平無毒主五野雞病蠱毒飛尸喉痺取子
中人碎為粉微熬水服一二匕亦和大豆藻面去野
生嶺南山林作藤著樹如通草藤三年一熟角如弓
袋子若雞卵皮紫色剖中人用之一名榼子一名合
子主野雞病為上唐陳藏器
本草拾遺

榼藤子味澀甘平無毒主蠱毒五痔喉痺及小兒脫
肛血痢苙燒灰服瀉血宜服一枚以刀剗內瓢熬研
為散空腹熱酒調二錢不過三服必効又宜入藻豆

藥物類聚卷之九十七 草屬 榼藤 二

善除黥黥其殼用貯丹藥經載不壞按廣州記云生廣南山林間樹如通草藤也三年方始熟紫黑色一名象豆今附○嘉祐補註本草

榼藤子生廣南山林間木如通草藤三年方熟紫黑色一名象豆今醫家亦稀用故但附於其類本草圖經南藤條

榼藤子紫黑色微光大一二寸圓褊治五痔有功燒成黑灰微存性米飲調服人多剔去肉作藥瓢垂腰間宋寇宗奭本草衍義

榼藤子其子象榼形故名之明李東璧本草綱目

榼藤依樹蔓生如通草藤也其子紫黑色一名象豆三年方熟其殼貯藥歷年不壞生南海解諸藥毒晉書

含南方草木狀

榼藤延蔓大樹筴如衣帶子形如榼色白如玉水浸數日烹食殊香美藤取製鞋勝於麻肇慶府志

榼藤一名象豆生廣南山中作藤著樹有如通草藤其實三年方熟結角如弓袋紫黑色而光大一二寸圓而褊仁若雞卵土人多剔去其肉作瓢垂於腰間

本草綱目卷之九十九

若貯丹藥經年不壞清陳湜子秘傳花鏡

相思藤

俗名他烏挨事已

本草綱目卷之九十九

草屬 相思藤

一

本草綱目卷之九十九

相思藤

相思子按古今詩話云相思子圓而紅故老言昔有人歿於邊其妻思之哭於樹下而卒因以名之此與韓憑冢上相思樹不同彼乃連理梓木也或云即海

明李東璧本草綱目

相思子生嶺南樹高丈餘白色其葉似槐其花似阜英其莢似扁豆其子大如小豆半截紅色半截黑色彼人以嵌首飾段公路北戶錄言有蔓生用子收龍腦香相宜令香不耗也同上

博物類纂卷之九十九 草屬 相思藤 二

馬牙類集

相思子有蔓生者

本草拾遺云相思子樹高大，有文，字亦黑間者佳。又羅浮山記增城

縣南迴溪之側，多相思樹。號相思亭，送行之所贈也。

其子

紅葉如合歡，依籬

障而生

合歡博物志云：蠲忿，古今注云：嵇康種之，舍前一合昏。

與龍腦相宜，能

令香不耗。南人云：有刀瘡者，血不止，痛甚者，取其葉

熟搗厚，傅之，即愈。干寶搜神記云：大夫韓憑妻美，宋

康王奪之，憑怨，王囚之，憑自殺，妻乃陰腐其衣，王與

之登臺，自投臺下，左右攬衣，衣不中手，遺書於帶，願

以屍骨賜韓氏，而合葬。王怒，弗聽，埋之。令冢相望，宿

昔有文梓木生，二冢之端，根交於下，枝錯其上，又有

鴛鴦雌雄各一，恒在樹上。宋王哀之，因為號其木曰

相思樹

註見本文。○唐段公路北戶錄

豆有圓而紅，其首烏者，舉世呼為相思子，即紅豆之

異名也。其木斜斫之，則有文，可為彈博局及琵琶槽，

其樹也大株，而白枝葉似槐，其花與阜荑花無殊。其

子若穠豆，處于甲中，通身皆紅。李善云：其實赤如珊

瑚是也。

宋李濟翁資暇錄

相思子有蔓生者，與龍腦相宜，能令香不耗。搜神記

云：韓朋墓木也。霍小玉傳有之。

明王元美宛委餘編

雜物類纂

草屬

相思藤

三

今之相思木生嶺南樹高丈餘其子曰相思子即紅豆漢文選注赤如珊瑚者詩所謂紅豆生南國秋來發幾枝贈君頻采摘此物最相思秋開花二三月莢枯子老零落可拾數斗其樹大而白枝葉似槐斜斫之有文理可為碁枰琵琶槽南方甚多余山中亦有數株高三五丈又一種豆頗圓小半段紅半段黑者本草通九竅治心腹氣令人香止熱悶子赤黑間者佳豈所謂單思子耶明田藝蘅留青日札

相思子合糯米炭屑貯龍腦香不耗同上

韓朋墓木有相思子有海石若豆瓣入醋能移動者

亦曰相思子採蘭雜志

相思藤結子如紅豆子而小每筴數顆每顆頂上小

黑此真相思子木生者子全紅乃紅豆也肇慶府志

相思黃赤二種香山縣志

乘雅以紅豆與高良薑紅豆蔻為一物則非矣半截

黑為相思子段公路云蔓生其別見一種乎清皖桐方氏物

識理小

謹按相思子蔓生葉似槐與紅豆樹別也

紅豆樹又有一種半截紅半截黑者名相榧子土人多採以為婦人首飾清陳湜子秘傳花鏡

按相思子大如小豆半紅半黑今誤為赤小豆善吐入宜辨產嶺南彼人以嵌首飾用收龍腦香不耗清郭佩蘭本草

穀曰赤小豆廣雅稱荅蘇恭單稱赤豆葉曰藿近世咸用赤黑相間之草實為赤小豆尤謬甚矣清劉若金本草

述相思子今人皆認此為赤小豆以之配入六神麴中


舖家以誤認而罔名醫家亦不辨而混用噫醫之道可勝道哉清張璐本經逢原

謹按清陳士鐸本草新編云或問赤小豆即家園之紅豆乎曰另是一種其色如硃而發光頭上一點黑如漆若家園之紅豆名曰紅而色實紫能療飢而不能利水去溼多食亦且敗血功用與赤小豆迥別切勿以家園之紅豆而錯用之也如士鐸說可謂認相思子為赤小豆者誤甚矣

庶物類纂草屬卷之百目次

冶葛


藤繡毬



冶葛

一名鈎吻神農本草一名野葛同上一名固活名醫別錄
 一名除辛嘉祐補註本草一名毒根同上一名胡蔓草
 上一名斷腸草本草綱目一名爛腸草同上一名火把花同上
 一名黃藤同上一名問萼草百代醫宗

俗名紫他烏而施加賀州



冶葛

鈎吻陶隱居云五符中亦云鈎吻是野葛言其入口
 則鈎入喉吻或言吻作挽字牽挽人腸而絕之覈
 切事而言乃是兩物野葛是根狀如牡丹所生處亦
 有毒飛鳥不得集之今人用合膏服之無嫌鈎吻別
 是一草葉似黃精而莖紫當心抽花黃色初生既極
 類黃精故以為殺生之對也或云鈎吻是毛茛此本
 及後說參錯不同未詳云何又有物名陰命赤色著
 木懸其子生山海中最有大毒入口能殺人唐本注

云野葛生桂州以南村墟間巷間皆有彼人通名鈎
吻亦謂苗名鈎吻根名野葛蔓生人或誤食其葉者
皆致死而羊食其苗大肥物有相伏如此若巴豆鼠
食則肥也陶云飛鳥不得集之妄矣其野葛以時新
採者皮白骨黃宿根似地骨嫩根如漢防己皮節斷
者良正與白花藤根相類不淡別者頗亦惑之其新
取者折之無塵氣經年已後則有塵起根骨似枸杞
有細孔者人折之則塵氣從孔中出令折枸杞根亦
然經言折之青煙起者名涸活爲良此亦不達之言

也且黃精直生如龍膽澤漆兩葉或四五葉相對鈎
吻蔓生葉如柿葉博物志云鈎吻葉似鳧葵苙非黃
精之類毛茛是有毛石龍芮何干鈎吻臣禹錫等謹
按蜀本秦鈎吻主喉痺咽中塞聲變欬逆氣溫中一
名除辛生寒石山二八月採謹按鈎吻一名野葛者
亦如徐長卿赤箭鬼箭等苙一名鬼督郵自是一物
今鈎吻一名野葛自有一種明矣且藥有名同而體
異者極多非獨此也據陶注云鈎吻葉似黃精而莖
紫當心抽花黃色者是蘇云野葛出桂州葉似柿葉

人食之即死者當別是一物爾又云苗名鈎吻根名野葛亦非通論按今市人皆以葉似黃精者爲鈎吻按雷公炮炙方云黃精勿令誤用鈎吻鈎吻葉似黃精而頭尖處有兩毛若鈎是也吳氏云秦鈎吻一名毒根神農辛雷公有毒殺人生南越山或益州葉如葛赤莖大如箭根黃正月採葛洪方云鈎吻與食芹相似而生處無他草其莖有毛誤食之殺人嶺表錄異云野葛毒草也俗呼爲胡蔓草誤食之則用羊血解之

嘉祐補注本草

謹按鈎吻葉似黃精莖赤叢生不純是木也開黃細花結子成穗絳色可觀烈毒不可入口所謂太陰之草入口立死者是也即今人名之皮禿谷魯虛近江州以北山野多有之野葛亦名鈎吻一枝三葉似柿葉又似茶葉梔子葉而光滑蔓生依附大木又有一種毒草生水邊苗葉似食芹而大者亦名鈎吻古人見毒草輒命以鈎吻三種同名而異體也

唐本註云黃精葉似柳及龍膽徐長卿輩而堅其鈎

吻蔓生殊非比類。○黃精條同上

陳藏器云黃精陶云將鈎吻相似但一善一惡耳按鈎吻卽野葛之別名若將野葛比黃精則二物殊不相似不知陶公憑何所說。同上

南人先食薤菜後食野葛二物相伏自然無苦又取汁滴野葛苗當時於死其相殺如此張司空云魏武常噉野葛至一尺應是先食此菜也。○薤菜條同上

江南人說黃精苗葉稍類鈎吻但鈎吻葉頭極尖而根細蘇恭注云鈎吻蔓生殊非比類恐南北所產之

異耳。○黃精條本草圖經

陳藏器云食葉飲冷水卽死冷水發其毒也彼人以野葛飼人勿與冷水至肥大以冷水飲之至死懸尸於樹汁滴地生菌子收之名菌藥烈於野葛胡蔓葉細長光潤。宋唐慎微證類本草

鈎吻此草雖名野葛非葛根之野者也或作冶葛王充論衡云冶地名也在東南其說甚通廣人謂之胡蔓草亦曰斷腸草人畜腹內卽黏腸上半日則黑爛又名爛腸草滇人謂之火把花因其花紅而性熱

如火也。岳州謂之黃藤。明李東壁本草綱目

謹按秋海棠亦名斷腸花。爛腸草與此不同也。

稽含南方草木狀云野葛蔓生葉如羅勒光而厚一名胡蔓草人以雜生蔬中毒人半日輒死段成式酉陽雜俎云胡蔓草生邕州容州之間叢生花扁如卮子而稍大不成朵色黃白其葉稍黑又按嶺南衛生方云胡蔓草葉如茶其花黃而小一葉入口百竅潰血人無復生也時珍又訪之南人云鈎吻即胡蔓草今人謂之斷腸草是也蔓生葉圓而光春夏嫩苗毒

甚秋冬枯老稍緩五六月開花似檉柳花數十朵作

穗生嶺南者花黃生滇南者花紅呼為火把花此數

說皆與吳普蘇恭說相合陶弘景等別生分辨並正

于下同上

神農本草鈎吻一名野葛一句已明草木狀又名胡

蔓草顯是藤生吳普蘇恭所說正合本文陶氏以藤

生為野葛又指小草為鈎吻復疑是毛茛乃祖雷敦

之說諸家遂無定見不辨其蔓生小草相去遠也然

陶雷所說亦是一種有毒小草但不得指為鈎吻爾

昔天老對黃帝言黃精益壽鈎吻殺人乃是以二草善惡比對而言陶氏不審疑是相似遂有此說也餘見黃精下上同

謹按草之名鈎吻者有三種而陶隱居所說與博物志所云者一也諸家繇不辨三物殊已淆混黃精鈎吻其形容有似而臧否相戾故天老茲舉而為對矣陶說本不誤第昔人以鈎吻為毒草之通名故烈毒之物皆名鈎吻而其實不同所以紛糾不一也

按李石續博物志云胡蔓草出二廣廣人負債急每食此草而死以誣人以急水吞即死急慢水吞死稍緩或取毒蛇殺之覆以此草澆水生菌為毒藥害人葛洪肘后方云凡中野葛毒口不可開者取大竹筒洞節以頭拄其兩脇及臍中灌冷水入筒中數易水須臾口開乃可下藥解之惟多飲甘草汁人尿汁白鴨或白鵝斷頭瀝血入口中或羊血灌之嶺南衛生方云即時取雞卵抱未成雛者研爛和麻油灌之吐出毒物乃生稍遲即死也上同

治葛，毒草也。蔓生，葉如羅勒光而厚，一名胡蔓草。其毒者多，雜以生蔬進之，悟者速以藥解，不爾，半日輒死。山羊食其苗，即肥而大，亦如鼠食巴豆，其大如狔。蓋物類有相伏也。晉嵇含南方草木狀

草麴，南海多矣。酒不用麴，蘖但杵米粉，雜以衆草葉，治葛汁滌漉之，大如卵，置蓬蒿中，陰蔽之，經月而成。用此合糯為酒，故劇飲之，既醒，猶頭熱泔泔，以其有毒草故也。南人有女數歲，即大釀酒，既漉，候冬陂池竭時，寘酒罌中，密固其上，瘞陂中，至春，潄水滿，亦不

復發矣。女將嫁，乃發陂取酒，以供賓客，謂之「女酒」，其味絕美。同上

新州多美酒，南方酒不用麴，蘖杵米為粉，以衆草葉胡蔓草汁漉，南人呼野葛為胡蔓草，大如卵，置蓬蒿中，陰蔽經月而成。用此合糯為酒，故劇飲之後，既醒，猶頭熱泔泔，有毒草故也。南方飲酒，即實酒滿甕，泥其上，以火燒方熟，不然不中飲。既燒，即揭甕，趨虛泥固，猶存沽者無能知美惡。就泥上鑽小穴，可容筋，以細簞挿穴中，沽者就咒簞上，以嘗酒味，俗謂之「滴淋」，無賴小民

空手入市徧就酒家滴淋皆言不中取醉而返南人有女數歲即大釀酒既漉候冬陂池水竭時寘酒甕密固其上瘞于陂中至春漲水滿不復發矣候女將嫁因決陂水取供賀客南人謂之女酒味絕美居常不可致也唐房千里投荒雜錄

李太白詩云昔作芙蓉花今為斷腸草以色事他人能得幾時好按陶弘景仙方注云斷腸草不可食其花美好名芙蓉宋河南邵氏聞見後錄

鈎吻曰除辛曰毒根折之青煙出者名固活即野葛

也宋鄭夾漈昆蟲草木畧

鈎吻本草一名野葛主療甚多注釋者多端或云可入藥用或云有大毒食之殺人予嘗到閩中土人以野葛毒人及自殺或誤食者但半葉許入口即死以流水服之毒尤速往往投盃已卒矣經官司勘鞠者極多灼然如此予嘗令人完取一株觀之其草蔓生如葛其藤色赤節粗似鶴膝葉圓有尖如杏葉而光厚似柿葉三葉為一枝如菘豆之類葉生節間皆相對花黃細戢戢然一如茴香花生於節葉之間酉陽

雜俎言花似梔子稍大謬說也根皮亦赤閩人呼為
鈎吻人謂之野葛嶺南人謂之胡蔓俗云斷腸草
此草人間至毒之物不入藥用恐本草所出別是一
物非此鈎吻也予見千金外臺秘要藥方中時有用
野葛者特宜仔細不可取其名而誤用正如侯夷魚
與鱒魚同謂之河豚不可不審也

宋沈存中夢溪補筆談

謹按酉陽雜俎云胡蔓草生邕容間叢生花偏如
支子稍大不成朵色黃白葉稍黑誤食之數日卒
飲白鵝鴨血則解或以一物投之祝曰我買爾食

之立死肇慶府志云胡蔓毒草蔓生或倚短樹柔
條隨日東西入口壅痰涎殺人鄉人每服此以死
相誣昔良守令每募人刈致庭中焚之以千百束
計然竟不能絕也又云野葛一名鈎吻入口殺人
惟甕菜汁解其毒據此則胡蔓草與野葛各是一
種也而野葛亦名胡蔓草諸書中言胡蔓草者率
指野葛也故沈氏以段成式為誤不知胡蔓草亦
有二種也

謹又按補筆談云吳人嗜河豚魚有遇毒者往往

殺入可爲深戒據本草河豚味甘温無毒補虛去
溼氣理腰脚因本草有此說人遂信以爲無毒食
之不疑此其物也本草所載河豚乃今之鱈魚亦
謂之鮓五回魚非人所嗜者江浙間謂之回魚者
是也吳人所食河豚有毒本名侯夷魚本草註引
日華子云河豚有毒以蘆根及橄欖等解之肝有
大毒又爲鱈魚吹肚魚此乃是侯夷魚或曰胡夷
魚非本草所載河豚也引以爲註大誤矣日華子
稱又名鱈魚此卻非也蓋差互解之耳

胡蔓藤毒草也採其草漬之水入口即死宋范成大
桂海虞衡

斷腸草形如阿魏葉長尖條蔓生

即死

乾者或收藏經久作末食亦死如食未久即以汁
灌可解其毒此草近人則葉動將嫩葉心浸水涓滴
入口即百竅潰血其法急以伏卵不生雞雛者細研
和香油灌之乃盡吐出惡物而甦少遲不可救矣一
名胡蔓草余聞醫家言凡中一切毒即以香油飲之
無傷家君嘗於大暑中苦痢諸藥不止以意用乾

葛烏梅甘草三味濃煎一碗服之遂愈凡痢疾者腸滑烏梅能澀腸可也蓋骨鯁用犬涎穀芒用鵝鴨涎皆以此意推之

宋顧文薦船窓夜話

紹興十九年三月英州僧希賜往州南三十里洗口掃塔有客船自番禺至舟中士人攜一僕僕病脚弱不能行舟師憫之曰吾有一藥治此病如神餌之而差者不可勝計當以相與既賽廟畢飲昨頗醉乃入山求得藥漬酒授病者令天未明服之如其言藥入巨卽呻吟云腸胃極痛如刀割截遲明而死士人以

咎舟師舟師恚曰何有此卽取昨夕所餘藥自漬酒服之不踰時亦死蓋山多斷腸草人食之輒死而舟師所取藥爲根蔓所纏結醉不暇

及於禍則知草藥不可妄服也

甲志○宋張杲醫說

胡蔓草一名斷腸草其葉如茶其花黃而小有大毒廣西愚民有爭鬪者服之百竅流血人無復生急取雞抱卵卽哺退雞子劈破以清油調和灌入其口須臾吐盡惡物而甦少緩不可救矣宦游者不可不知

明俞弁續

醫說

斷腸草一枝三葉葉大如萹食之輒死山谷中在在有之民間關不能勝服之令妻子扶而之怨家死焉其妻子利之亦不甚禁也怨家富而畏事厚償之去不者亦服以抵償官惡其事為下令服草死者不給埋錢第令致斷腸草十斤於官而焚之計久而銷然不能盡除也解此毒者首以蜜灌之已復灌羊血吐出可不死

明王敬美
閩部疏

胡蔓草葉似柳而大蔓生著黃花一葉下咽立能殺入亦名斷腸草又名香菌唯甘草汁解之

明朱國禎
湧幢小呂

二廣山谷間有草名曰問萼草又曰斷腸草以此藥毒人急水吞之急死緩水吞之緩死

明徐紳百
代醫宗

中鈎吻毒又一方嶺南有薤菜蔓生開白花搗汁灌之鈎吻入口則鈎人喉吻故曰鈎吻亦名野葛實非葛根之葛或云當是治葛乃地名在南粵廣人謂之胡蔓草又曰斷腸草滇人謂之火把花因其花紅而性熱如火也岳州謂之黃藤其草近人則葉動蔓生葉圓而光春夏嫩苗毒甚秋冬草枯老稍緩五六月開花似檉柳數十朵作穗嶺南花黃滇南花紅毒死

之人懸尸樹上汁滴入地生菌名菌藥烈于鈎吻土人多服以詐人急水服則死急緩水服則死緩也明儀部箋釋醫救死傷法

斷腸蔓生野中葉大如浮菑食之能殺人福州府志

吻吻一名斷腸草蔓生野中葉大如芙蓉食之即殺

入難治愚民輕生有爭競輒採食之以圖賴官司設

法禁而除之不能止泉州府志

野葛一名鈎吻入口殺人惟甕菜汁解其毒肇慶府志

野葛本草曰根名野葛葉名鈎吻俗呼胡蔓草又名

斷腸草南方草木狀曰以薤汁滴其苗當時萎死世

傳魏武噉野葛至一尺先食薤也閩部疏曰一枝三

葉葉大如萋民間鬪不能勝服之令妻子扶而之怨

家死焉官惡其事下令服草死者不給埋錢然不能

盡除也解此毒者以蜜灌之復灌羊血吐出可不死

海澄縣志

粵地山林川澤之阻虎狼虺蝮雖或害人然毒莫如

胡蔓蠱莫如藥鬼者胡蔓草也葉如茶其花黃而小

一葉入口百竅潰血人無復生邇來品彙盤盛花葉

異常不獨郊外雖邑內在在有之凶民將取以毒人則招搖若喜舞狀真妖物也廣東通志

野葛一名黃藤卽鈎吻也○一名斷腸草一名火把花言其紅也南方草木狀曰野葛一名胡蔓草彼以毒人不半日卽死山羊食其苗卽肥亦如鼠食巴豆也貞白謂鈎吻似黃精因博物志之泣論也蘇恭謂黃精葉似柳似竹及龍膽徐長卿韌堅鈎吻蔓生葉似栲藏器曰鈎吻野葛也何子元曰有野葛之地必生薤菜以薤汁滴野葛苗當時萎死薤今作薤有水

薤陸薤魏武習啖野葛以食薤也明方以智通雅


斷腸草○一枝三葉葉大於萹食之輒死秋海棠亦名斷腸草亦毒人宋顧文薦船窻夜話曰斷腸草近入則葉動人誤食之則以伏卵不生者研和香油灌之蘇麻亦斷腸枝葉近膚皆壞惟人溺可解古巴島有異草毒木人持其枝葉卽死東雲雖言蘇麻如麻葉而長碎有刺高二尺耀州延綏包手取以飼豕卽解斷腸草毒生鷄子吞二三枚急以升麻湯探吐

肥清皖桐方氏物理小識

亦妙 清王夢蘭秘方集驗方

鈎吻本經名野葛紅花者名火把草黃花者名黃藤


千金名黃野葛 清張璐本經逢原



藤繡毬



草屬 藤繡毬 一



藤繡毬

藤繡毬蔓生樹間葉厚深碧花如碾玉爲之簇合爲
毬玲瓏無缺毒能殺人肇慶府志

庶物類編
卷百

